

PLOANIES SAN MARTIN Y LUNGIARÜ

Festa dl'Alzada dla Crusc sö La Crusc en vëndres, ai 14 de setëmbër:
07.30: Prozesciun da San Linert demez; 09.30 Mëssa sö La Crusc;
dedô Adoraziun dl Santiscim cina les 15.00.

La Uniun dles Porsones Vêdues y Sores dla Val Badia inviëia dër bel da gní a tó pert al peregrinaje al santuar de Maria Schnee a Virgen tl' Austria en jöbia ai 27 de setëmbër. La coriera pëia ia da San Martin dales 7.45 (palsa a Winnebach, 11.00 mëssa a Virgen cun siur Iaco Willeit, 12.00 marëna tl hotel Waldruhe, 14.00 vijita dla fabrich dala lana a Valgrata, salüt a Marta da Brocia/sc'al ne plöi nia.) Le iade y la marëna costa 45 euro. Präibel anun-ziesse cina ai 24 de setëmbër pro la rapresentanta dl paisc o 0474 590 069.

SAN MARTIN

I jogh da San Martin é dër bel invia ala sentada generala di jogh da San Martin en sabeda, ai 15/09, dales 19.30 tl salf di stödafüch. Al gnará baié dl grup di jogh y dles ativités, dl local di jogh, dla situaziun finanziara, dl Pradel Cup y dl dagní di jogh. Ala fin dla sentada vëgnel lité le Consëi nü. La sëra vëgn stlütta jö cun na buna cëna y aurela cörta tla ostaria dl Tasser.

La Schira Jonila da San Martin chir animadësses nöies por acompagné i grups de mitans dla scora elementara y mesana les sabedes domisdé ia por l'ann de scora. Por deplü informaziuns präibel telefoné a Sara 334 15 41 471

Chi che ó avei na cd cun les foto dla festa di iubilar da noza pó la damané do pro Leo 348 40 96 351.

LUNGIARÜ

La ploania da Lungiarü inviëia en domënia, ai 16 de setëmbër, ala prozesciun sö La Crusc: i piun ia dales 14.00 dala staziun a munt dl lift demez y dales 15.00 tignunse na zelebrazziun dla Parora de Dî.

Sëra d'informaziun cun la Lebenshilfe y l'AEB-Arbeitskreis Eltern Behinderter en mercui, ai 12/09, dales 20.00, ite da La Spona a Pidrô; *ciarede ultima plata*

Le Sorvisc ai Jogn: I podëis gní a se tó les fotografies di proiec da d'isté (Isté deboriada, Cool summer, My summer, Musical). Tolésse do n usb-stik, zënza nen ciafëise ince un dal Sorvisc ai Jogn por 5 euro. Les fotografies é debann. Orars d'ofize: dal lönesc ala jöbia dales 8.00 ales 12.00.

L'Uniun dl Sport da San Martin tëgn n curs de Fitness Training cun Delia Cappello, dal dedolönesc, 11 de setëmbër, inant por 10 iadi. Le curs é tres le dedolönesc dales 20.00 ales 21.15 tla palestra da San Martin. Le cost é de 50 euro + cherta d'iscriziun ala Uniun dl sport. Le pröm iade é debann. Infos y prenotaziuns le pröm dé te palestra o pro Maria al 339/6211647.

Assoziaziun Turistica:

En mercui, ai 12 de setëmbër, dales 21.00: sëra cun les Gitschberg Gitschn tl salf di stödafüch a Lungiarü.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

09.09. – 16.09.18 nr. 41

ultimo termo por comunicaziuns: jöbia dales 20.00
radio: 90,40 / 93,70

23^a DOMËNIA – Ann B

Vangele do Merch 7,31-37

Dailò ân condüt n surtström da Gejù perian, ch'al ti metess sö la man.
Al l'á tut da na pert, demez dala meja, ti á metü i deïc tles orëdles
y á aziché la lënga dl ël cun spöda; spo ál ciarè sö al cil, á susté
y ti á dit al surtström: Effata!, chël ô dî: Dëurete!

Atira s'á sües orëdles dauri,
süa lënga s'á deslié
y al ê bun da baié indortöra.
Gejù ti á proibì da le cuntè inant.
Mo plü ch'al ti al proibì,
plü ch'ai le cuntà inant.
Fora de mote dala morvëia dijô:
Al á fat döt bun;
al fej che i surc aldes y i ströms baies.



*Al n'é nia saurí da ascuté sö zacai y da ti mëte averda.
Ciamó plü ri él da s'identifiché cun zacai, da le capí, da sintí y se daurí impara.
D'un n vers stentunse düc da aldí, o ch'i sun propi surc daldöt.*

*Dal'atra pert n'él tröc che n'á degügn che ti ascuta pro
y che n'úrta degügn che i tol söl sciode y proa da capí ci che ti stá a cör.
Porchël n'él de chi che ne chir gnanca plü la conferta cun d'atri
y é insciö diventá ströms.*

Sc'al ne vëgn nia plü baié y ascuté sö, él la comunité che se desfej.

*Al n'é de chi che á fat de stletes esperiënzes tla vita
y é ince gnüs ströms defrunt a Chël Bel Dî.*

"Effata – Dëurete!" nes dij Gejù!

Dëurete a Chël Bel Dî!

Dëurete y sideste chiló deplëgn por chi che te incuntes!

Dëurete y confida!

Y sc'i se dauriun él tröp che devënta bun.

	SAN MARTIN	LUNGIARÜ	 Festa dl'Alzada dla Crusc <i>Sciöche cristian stái por tres sot la crusc de Gejú Crist. Nia ma ciodí che soferënza y dolur alda pro la vita umana. Nia ma ciodí che da cristian sunsi cherdé da ti sté dlungia ai soferënc y ai tralasciá. Mo ciodí che sot la crusc stái sot la salvëza.</i> <i>Pomez ala crusc él Gejú che me tol sot súa odlada te mia deblëza y te mia surité, cun mi sforc por nia y cun mia colpa.</i> <i>Pomez ala crusc me tol Gejú sot súa odlada che me dëida sò, me incorajëia y me pordona.</i> <i>Pomez ala Crusc sunsi daciassa deach'i sun dër daimpró da Gejú che ciara de me</i> Maria Adolorada <i>Dlungia la crusc de Gejú él súa uma, la so de súa uma, Maria de Cleofa, y Maria da Magdala. (Jan 19,25) - Maria, t'as messü odëi sciöche to fi é mort söla crusc: Cun súa mort él gnü la vita de Dî te chësc monn. Súa pasciun ti á porté la salvëza ala jënt.</i> <i>Maria, prëia por l'umanité, che la colpa y le dolur se trasformëies te salvëza.</i>
09.09.18 23ª DOMËNIA – Ann B	9.00 Corona por le defunt Angel Ploner 9.30 Gran Mëssa y benedisciun dl tëmp + Angel Ploner (dla Uniun) por les families Frenner, Lovara Oferta por le Vinzentinum	7.55 Corona 8.15 Gran Mëssa en onur di Agnui Custodi y benedisciun dl tëmp Oferta por le Vinzentinum 14.00 Bato de Victoria Mischi 15.00 Corona tla capela de S. Ujöp Fr.	
10.09.18 Lönesc <i>Segra di Doms dla diozeja</i>			
11.09.18 Dedolönesc <i>Felize, Helga</i>	15.30 Mëssa sö Ju vis y defunc fam. Clement y Widmann + + Franz y Cristina Conrater		
12.09.18 Dedemesaledema <i>Inom de Santa Maria (Miriam)</i>		7.30 Mëssa en onur de Santa Maria + + Franz y Veronica Costa	
13.09.18 Jöbia <i>Notburga, Jan Crisostomus, Tobia</i>	7.30 Mëssa a d'intenziun fam. Flöss + Giovanni Sorá Corona por vocaziuns		
14.09.18 Vëndres Alzada dla Crusc	7.30 Prozesciun y 9.30 Mëssa sö la Crusc y adoraziun cina les 15.00 19.00 Adoraziun chîta 19.30 Adoraziun deboriada	7.30 Mëssa a d'intenziun de Ida Nagler, Mair + + Emma Pezzei y defunc	
15.09.18 Sabeda <i>Maria Adolorada, Dolores</i>	15.30 Mëssa tla Ciasa de Palsa 18.30 Mëssa prefestia por fam. de Berto Ploner y Hubert Costabiei + Maria Fiung Rives	15.00 Mëssa da noza de Lidia Clara y Matthias Vittur <i>degöna mëssa prefestia</i>	
16.09.18 24ª DOMËNIA – Ann B	9.00 Corona 9.30 Gran Mëssa y benedisciun dl tëmp	7.55 Corona 8.15 Gran Mëssa y benedisciun dl tëmp fam. de Rita Zingerle de rengraz. fam. Manfred Chiusura 14.00 Prozesciun sö la Crusc	